

**Cofnodion Iechyd Cyhoeddus Cymru wedi Cadarnhau  
Cyfarfod y Pwyllgor Ansawdd, Diogelwch a Gwella  
25 Tachwedd 2024, 10:30 – 12:20  
yn Capital Quarter 2 a thrwy Microsoft Teams**

<b>Yn bresennol:</b>		
Diane Crone	(DC)	Cadeirydd y Pwyllgor a Chyfarwyddwr Anweithredol (Prifysgol)
Sian Griffiths	(SG)	Cyfarwyddwr Anweithredol (Iechyd y Cyhoedd) a Chadeirydd y Pwyllgor Gwybodaeth ac Ymchwil
Tamsin Ramasut	(TR)	Cyfarwyddwr Anweithredol (Cydraddoldeb ac Amrywiaeth)
<b>Yn Bresennol:</b>		
Carys Allen	(CA)	Ysgolhaig Florence Nightingale a Dirprwy Arbenigwr Nyrsio Arweiniol (Arsylwi)
Sumina Azam	(SA)	Cyfarwyddwr Cenedlaethol Polisi ac Iechyd Rhyngwladol (ar gyfer eitem 4.2)
Claire Birchall	(CB)	Cyfarwyddwr Gweithredol Nyrsio, Ansawdd a Llywodraethu Integredig
Liz Blayney	(LB)	Dirprwy Ysgrifennydd y Bwrdd a Dirprwy Bennaeth Uned Fusnes y Bwrdd
Tracey Cooper	(TC)	Prif Weithredwr
Angela Cook	(AC)	Cyfarwyddwr Cynorthwyol Ansawdd a Nyrsio
Neil Desmond	(ND)	Pennaeth Ystadau ac Iechyd a Diogelwch (ar gyfer eitem 4.5)
Katrina Febry	(KF)	Arweinydd Archwilio Perfformiad (Archwilio Cymru)
Rosemary Fletcher	(RF)	Arweinydd Llywodraethu, Gweithredu Gweithrediaeth y GIG (ar gyfer eitem 7)
Tom Fowler	(TF)	Dirprwy Gyfarwyddwr Cenedlaethol Sgrinio a Diogelu Iechyd, yn cynrychioli Meng Khaw
Danielle Gething	(DG)	Pennaeth Rheoli Risg (ar gyfer eitem 4.2)
Sharon Hillier	(SH)	Cyfarwyddwr Sgrinio (ar gyfer eitem 4.4)
Olusola Okhiria	(OO)	Cynrychiolydd Undeb Llafur
Catherine Richardson	(CR)	Nyrs Gofrestredig Graddedig (Arsylwi)
Stuart Silcox	(SS)	Cyfarwyddwr Cynorthwyol Llywodraethu Integredig
Paul Veysey	(PV)	Ysgrifennydd y Bwrdd a Phennaeth Uned Fusnes y Bwrdd
<b>Ymddiheuriadau</b>		
Kate Young	(KY)	Cyfarwyddwr Anweithredol a Chadeirydd y Pwyllgor Pobl a Datblygu Sefydliadol
Clare Jenkins	(CJ)	Is-Gadeirydd y Bwrdd a Chyfarwyddwr Anweithredol



Meng Khaw	(MK)	Cyfarwyddwr Cenedlaethol Gwasanaethau Diogelu Iechyd a Sgrinio, Cyfarwyddwr Meddygol Gweithredol.
Jim McManus	(JM)	Cyfarwyddwr Cenedlaethol Iechyd a Llesiant
Dechreuodd y cyfarfod am 10:30		

<b>Rhan A</b>	
<b>QSIC 2024.11.25/1</b>	<b>Croeso, Cyflwyniadau ac Ymddiheuriadau</b>
<p>Croesawodd y Cadeirydd bawb i sesiwn gyhoeddus cyfarfod y Pwyllgor Ansawdd, Diogelwch a Gwella.</p> <p>Nodwyd yr ymddiheuriadau am absenoldeb.</p>	
<b>QSIC 2024.11.25/2</b>	<b>Datganiad o Fuddiant</b>
<p>Dywedodd TF wrth y Pwyllgor ei fod yn y broses o gwblhau ei ddatganiad o ddiddordeb, gan amlygu ei fod yn aelod awdurdodol o Sefydliad yr Awdurdod Ffrwythloni Dynol ac Embryoleg.</p> <p>Nid oedd unrhyw ddatganiadau eraill o fuddiant yn ychwanegol at y rhai a ddatganwyd eisoes ar y gofrestr Datganiadau o Fuddiant.</p>	
<b>QSIC 2024.11.25/5</b>	<b>Eitemau i'w Cymeradwyo</b>
<p>Bu'r Pwyllgor yn ystyried a <b>chymeradwyo</b> cofnodion y cyfarfod a gynhaliwyd ar 16 Medi 2024 fel cofnod cywir o'r cyfarfod.</p> <p>Bu'r Pwyllgor yn ystyried y diweddariadau ar y cofnod gweithredu a:</p> <ul style="list-style-type: none"><li><b>chymeradwyo'r</b> ceisiadau i newid dyddiad y camau gweithredu, a</li><li><b>chymeradwyo</b> cau camau gweithredu a gwblhawyd.</li></ul>	
<b>QSIC 2024.11.25/4</b>	<b>Eitemau ar gyfer Sicrwydd</b>
<b>QSIC 2024.11.25/4.1</b>	<b>Adroddiad Perfformiad Llywodraethu Ansawdd</b>
<p>Cyflwynodd CB yr adroddiad, gan nodi'r bwriad i ofyn am farn y Pwyllgor ar berthnasedd parhaus yr adroddiadau tua diwedd y flwyddyn ariannol.</p> <p>Rhoddodd AC drosolwg o'r Adroddiad Perfformiad Llywodraethu Ansawdd ar gyfer chwarter 2, gan dynnu sylw'r Pwyllgor at feysydd penodol i'w hystyried:</p> <p><u>Gweithio i Wella (PTR), Ch2</u></p> <p>Crybwyllodd AC yr adran PTR, a oedd yn cynnwys y digwyddiadau, cwynion a'r pryderon a adroddwyd ac y gweithredwyd arnynt yn ystod chwarter 2, gan gynnwys:</p> <ul style="list-style-type: none"><li>Un digwyddiad cenedlaethol ac un adroddiad rhybudd cynnar (yr un digwyddiad o fewn Sgrinio Llygaid Diabetig Cymru oedd hwn yn y pendraw ac roedd yn destun ymchwiliad cyfredol).</li><li>Adroddwyd am gyfanswm o 541 o ddigwyddiadau, ac mae 2 ohonynt yn parhau i fod yn niwed cymedrol ac yn destun ymchwiliad. Methiant i ddilyn</li></ul>	



protocol/Gweithdrefn Gweithredu Safonol (SOP) oedd yr is-gategori uchaf yr adroddwyd amdano o hyd.

Holodd y Pwyllgor ynghylch y gwaith sydd ar y gweill i wella cyfraddau cau digwyddiadau. Nododd y Pwyllgor y ffocws gyda chydweithwyr yn y gwasanaeth sgrinio i fwrw ymlaen â chau achosion mewn modd amserol. Roedd hyn yn canolbwyntio ar fwy o adnoddau staffio o fewn maes sgrinio, buddsoddiad digidol, datblygu protocol uwchgyfeirio, a ffocws ar adolygu'r broses ar gyfer rheoli digwyddiadau a chyflwyno arferion rhagorol wedi hynny.

#### Profiad y Claf/Defnyddiwr Gwasanaeth

- Bu 11 cwyn datrysiad cynnar, a oedd yn ostyngiad sylweddol o'i gymharu â'r chwarter blaenorol, a 13 cwyn ffurfiol. Roedd themâu cyffredin yn ymwneud â chyfathrebu, mynediad at wasanaethau, apwyntiadau, ac agwedd staff.
- Derbyniwyd 135 o ganmoliaethau, y thema fwyaf cyffredin oedd bod defnyddwyr gwasanaeth yn derbyn gwasanaeth y tu hwnt i'r lefel disgwylidig.
- Roedd 3 hysbysiad diogelwch sy'n berthnasol i ICC yn cael eu gweithredu'n unol â hynny.

#### Trafododd y Pwyllgor:

- Y cydbwysedd rhwng canmoliaeth a chwynion, gan nodi datblygiad seilwaith i gefnogi cyfathrebu â defnyddwyr gwasanaeth, a dathlu gwasanaeth da.
- Roedd y gwaith sydd ar y gweill i fynd i'r afael â'r cwynion, a oedd yn cynnwys gwasanaethau sgrinio, yn canolbwyntio ar hyfforddiant gloywi gwasanaeth cwsmeriaid, a thrafodaeth yn y Grŵp Goruchwylio Ansawdd ar y themâu a nodwyd i unioni materion.
- Nododd data cydraddoldeb bryderon hygrychedd yn ymwneud â chadair olwyn neu amhariad ar y golwg/clyw a'r ffocws i fynd i'r afael â'r materion hyn, gan gynnwys comisiynu archwiliadau o fewn y safleoedd sgrinio a chatau gweithredu ar y gweill i fynd i'r afael â chanfyddiadau gan y timau gweithredu a chyfleusterau sgrinio. Dywedodd AC hefyd y byddai'r dull newydd o ymgysylltu â defnyddwyr yn ceisio darparu gwell mynediad ac amlygrwydd canlyniadau, a gwelliannau wrth gasglu data demograffig.

#### Gwaith y Grŵp Diogelu Corfforaethol, Ch2

Rhoddodd AC ddiweddariad ar waith y Grŵp Diogelu, gan dynnu sylw at y canlynol:

- Adroddwyd am 13 o ddigwyddiadau diogelu, a oedd yn cynnwys cynnydd yn y categori pryderon am gam-drin domestig.
- Hyfforddiant i godi ymwybyddiaeth a chwilfrydedd ynghylch cam-drin domestig ymhlith defnyddwyr gwasanaethau gan staff Bron Brawf Cymru.
- Roedd 1 risg ar y Gofrestr Risg Gorfforaethol yn ymwneud â gwiriadau'r Gwasanaeth Datgelu a Gwahardd (DBS).

#### Trafododd y Pwyllgor:

- Cynnydd y gwaith o amgylch gwiriadau DBS a oedd yn cael ei adolygu drwy'r Pwyllgor Pobl a Datblygiad Sefydliadol, gan nodi'r angen am bolisi diwygiedig ac ystyriaeth bellach gan gydweithwyr partneriaeth lleol oherwydd newid

disgwyliedig mewn arferion. Cytunodd CB i ddarparu diweddariad ar y cynllun gweithredu yn y cyfarfod nesaf.

### Cam Gweithredu: CB

#### Gwaith y Grŵp Atal a Rheoli Heintiau Corfforaethol (IPC)

Rhoddodd AC ddiweddariad ar waith y grŵp IPC Corfforaethol, gan amlygu'r canlynol:

- Adroddwyd am 21 o ddigwyddiadau. Barnwyd bod 2 yn niwed cymedrol ac roeddent yn dal i gael eu hymchwilio.
- Risgiau a materion IPC, gan gynnwys pryderon parhaus ynghylch arferion dihalogi, gan nodi'r craffu a monitro cynyddol yn y maes hwn. Tynnodd AC sylw hefyd at y cynnydd sylweddol o ran cydymffurfio â gofynion dihalogi newydd chwiliyddion uwchsain y fron.

Fe wnaeth y Pwyllgor y canlynol:

- **Nodi'r** safonau perfformiad sy'n cael eu cyflawni a meysydd i'w gwella.
- Cael **sicrwydd** bod trefniadau llywodraethu priodol ar waith i sicrhau gwasanaethau diogel, amserol, effeithiol, teg, effeithlon sy'n canolbwyntio ar yr unigolyn.

<b>QSIC 2024.11.25/4.2</b>	<b>Rheoli Risg (Cofrestr Risgiau Corfforaethol a Strategol)</b>
----------------------------	---

Cyflwynodd DG y Cofrestrau Risg Strategol a Chorfforaethol o fewn cylch gorchwyl y Pwyllgor, gan gadarnhau na fu unrhyw newid i'r sgorau risg presennol ers i'r Pwyllgor ystyried yr adroddiad diwethaf. Nododd DG fod y cynlluniau gweithredu perthnasol wedi'u diweddarau a bod terfynau amser diwygiedig wedi'u hamlygu i'r Pwyllgor eu cymeradwyo. Sicrhaodd CB y Pwyllgor fod y newid i ddyddiadau oherwydd aeddfedrwydd y risg a datblygiadau pellach.

Tynnodd DG sylw'r Pwyllgor at gyflwyno proffil risg strategol cyffredin newydd, a oedd yn amlygu risg strategol y Sefydliad yn erbyn lefel yr amlygiad i risg. Wrth nodi bod Risg Strategol 1 y tu allan i gylch gorchwyl y Pwyllgor, amlygodd TC mai dyma risg mwyaf arwyddocaol y Sefydliad ac ategodd yr angen i asesu risg y Sefydliad yn erbyn gweithredoedd o fewn ei reolaeth. Tynnodd DG sylw at yr adolygiad cyson o gamau gweithredu a sgorio risg gyda'r cydweithwyr gweithredol i fynd i'r afael â hyn.

Darparodd CB ac SA ddiweddariadau ar y datblygiadau i Risg Strategol 3, gan amlygu bod y dull o ymgysylltu ac archwilio dwfn i lysgenhadon ifanc a ystyriwyd gan y Pwyllgor yn ei gyfarfod diwethaf wedi helpu i ddangos cryfder y diweddariadau a ffynhonnell y sicrwydd, ynghyd â chynigion o gymorth gan y Cyfarwyddwyr Anweithredol i sicrhau bod y gwaith yn unol â disgwyliad y Pwyllgor.

Soniodd y Pwyllgor am y gwaith cynhwysfawr sydd ar y gweill ar ymgysylltu a gofynnodd am sicrwydd bod yna ddull cydlynol o ymdrin â'r holl elfennau. Aeth y Pwyllgor ymlaen i nodi'r dull ymgysylltu ar raddfa gyfan a oedd yn cynnwys cefnogaeth y Tîm Gweithredol ac ymgysylltu ehangach â chydweithwyr allweddol eraill i fwrw ymlaen â'r dull ymgysylltu wedi'i ddiweddarau a'i adnewyddu, a oedd yn cyd-fynd â'r strategaeth ac â'r nod o gyfyngu ar amrywioldeb ar draws y Sefydliad.

Aeth TF ymlaen i roi'r wybodaeth ddiweddaraf am Risg Strategol 5, gan dynnu sylw at faterion gweithlu allweddol yn ymwneud â diogelu iechyd, biowybodeg, ac o fewn meysydd eraill fel Bron Brawf Cymru, gan gynnwys y mesurau lliniaru sydd ar y gweill fel bwydo i broses Arolygiaeth Gofal Iechyd Cymru ynghylch rhai o'r heriau hyn. Dywedodd TF am ymgysylltiad parhaus â defnyddwyr system ar draws GIG Cymru i wella llwybrau diagnostig a chyfeirio brech M. Nododd y gwaith a'r mesurau lliniaru i fynd i'r afael â heriau parhaus o ran cydraddoldeb a mynediad at ddemograffeg allweddol i sicrhau bod gwasanaeth effeithiol yn cael ei ddarparu i grwpiau amrywiol.

Fe wnaeth y Pwyllgor y canlynol:

- **cymeradwyo'r** ceisiadau newid i'r Risgiau Strategol,
- **cymeradwyo'r** Gofrestr Risg Gorfforaethol
- Wedi cael **sicrwydd** ynghylch rheoli risg o fewn cylch gorchwyl y Pwyllgor.

#### QSIC 2024.11.25/4.3

#### Archwiliad Clinigol ac Ansawdd

Cyflwynodd AC yr adroddiad, a oedd yn rhoi diweddariad canol blwyddyn ar gynnydd archwiliadau clinigol ac ansawdd o fewn y Sefydliad, gyda'r nod o wella canlyniadau cleifion/defnyddwyr gwasanaeth.

Amlygodd AC:

- Cynlluniwyd 67 o archwiliadau, a oedd yn cynnwys 7 archwiliad cenedlaethol, (o'r rhain, roedd 5 yn mynd rhagddynt a 2 wedi'u gohirio oherwydd eu bod yn aros am gyhoeddiad safonau newydd).
- Roedd 27 o archwiliadau mewnol ar y gweill ac roedd 8 wedi'u cwblhau. Tynnodd AC sylw at un archwiliad o bryder o fewn Sgrinio Coluddion Cymru oherwydd y risg o beidio â chael archwilydd annibynnol yn ei swydd, gan nodi bod dulliau lliniaru ar waith.
- Byddai cyflwyno llwyfan archwilio digidol yn gwella olrhain ac amlygrwydd archwiliadau.

Holodd y Pwyllgor ynghylch yr oedi cyn chwarter 4 nifer o archwiliadau oherwydd materion capasiti. Cadarnhaodd AC fod heriau yng ngwasanaeth Bron Brawf Cymru Gogledd Cymru wedi cyfrannu at oedi, ond roedd arweinwyr gwasanaethau wedi adrodd eu hyder i gwblhau'r archwiliadau erbyn chwarter 4.

**Sicrhaodd** y Pwyllgor y cynnydd yn erbyn y Cynllun Archwilio Ansawdd a Chlinigol ar gyfer 2024-25.

#### QSIC 2024.11.25/4.4

#### Amseroedd Asesu Canser y Fron

Cyflwynodd SH gyflwyniad o Amseroedd Asesu Canser y Fron ar draws y tri rhanbarth o wasanaeth Bron Brawf Cymru (BTW), gan amlygu bod hyn mewn ymateb i gais gan y Bwrdd yn ei gyfarfod ym mis Medi i ystyried dosbarthiad data'r amseroedd asesu a unrhyw oblygiadau posibl yn fwy manwl.

Darparodd SH drosolwg o raglen gwasanaeth Bron Brawf Cymru ar draws Cymru, gan nodi bod 10,000 o sesiynau sgrinio'r fron yn cael eu cynnal bob mis ac yn fras, daeth 400 o bobl yn ôl i gael eu hasesu. Darparodd SH fanylion am faint o amser a gymerwyd

i anfon canlyniadau at fenywod ar ôl cael eu sgrinio, a'r amser a gymerwyd i asesu ar ôl sgrinio yn erbyn y safonau a osodwyd.

Gan adlewyrchu ar y graffiau data, dywedodd SH nad oedd unrhyw bryderon sylweddol ynghylch yr amseroedd aros am asesiad o fewn Bron Brawf Cymru Gorllewin Cymru. Nododd y darlun sy'n gwella ar draws Bron Brawf De Cymru er bod yr amseroedd aros yn parhau i fod yn uwch na'r targed. Amlygodd SH bryderon ynghylch yr amseroedd aros hwy am asesiad Bron Brawf Cymru Gogledd Cymru. Ymhelaethodd SH ar y materion sy'n wynebu'r gwasanaeth, a oedd yn canolbwyntio ar fwy o sesiynau sgrinio i adennill yr ôl-groniad o'r pandemig ar draws y rhanbarthau, ac yn fwy penodol y prinder cenedlaethol o staff clinigol medrus a oedd yn ffactor cyfrannol arwyddocaol yn Bron Brawf Cymru Gogledd Cymru.

Ystyriodd y Pwyllgor y canlynol:

- Nad oedd unrhyw effaith glinigol ddisgwyliedig o oedi cyn cael asesiad ac anfonwyd gwahoddiad i fenywod i gael asesiad ychydig cyn eu hapwyntiad er mwyn lleihau'r cyfnod o boeni cyn mynd i'r clinig.
- Roedd y camau sydd ar y gweill i fynd i'r afael â gwelliannau i'r amser aros am asesiad yn cynnwys mwy o glinigau ar benwythnosau ac optimeiddio archebion.
- O ystyried y llwybr llawn, o'r 10,000 o fenywod a gafodd eu sgrinio bob mis, daethpwyd ag oddeutu 400 i'w hasesu (3.8% yn dychwelyd i'w hasesu) a thua 89-90 yn cael diagnosis o ganser (gwerth rhagfynegol cadarnhaol o 20%).
- Myfyrio ar brinder gweithlu medrus yng Ngogledd Cymru a cheisiwyd sicrwydd ar y camau a gymerwyd i fynd i'r afael â hyn yn y tymor byr a'r tymor hir yn dilyn ymdrech recriwtio aflwyddiannus yn y rhanbarth.
- Nodwyd y cynllunio gweithlu sydd ar y gweill i fynd i'r afael â hyn a'r camau gweithredu i gynnal gwasanaeth Gogledd Cymru, a oedd yn cynnwys cymorth gan ddau radiograffydd ymgynghorol, clinigwr y fron a hyfforddwyd yn ddiweddar, cymorth gan arweinydd clinigol rhanbarthau'r de ar gyfer cymorth radioleg ychwanegol, a'r cynllun sgiliau meddygol ar gyfer y locwm sydd ar absenoldeb mamolaeth ar hyn o bryd.

Diolchodd y Pwyllgor i SH am y cyflwyniad cynhwysfawr a chytunwyd i hysbysu'r Bwrdd fod camau gweithredu'r Bwrdd bellach wedi'u cwblhau drwy Adroddiad Cyfansawdd y Cadeirydd.

<b>QSIC 2024.11.25/4.5</b>	<b>Egwyl</b>
<b>QSIC 2024.11.25/4.6</b>	<b>Adroddiad Iechyd a Diogelwch Chwarter 1 2024-25</b>
<p>Cyflwynodd ND yr Adroddiad Iechyd a Diogelwch ar gyfer Chwarter 2, 2024-25, a oedd yn rhoi trosolwg o weithgareddau iechyd a diogelwch a gyflawnwyd ar gyfer y cyfnod hwn. Nododd ND nifer o bwyntiau pwysig o'r adroddiad:</p> <ul style="list-style-type: none"> <li>• Adroddodd 1 digwyddiad Rheoliadau Adrodd Anafiadau, Afiechydon a Digwyddiadau Peryglus (RIDDOR) yn ymwneud ag anafiadau staff. Cefnogwyd yr aelod o staff i ddychwelyd i'r gwaith a chymerwyd camau adferol i leihau risg.</li> <li>• Roedd dau eiddo wedi methu â chydymffurfio, oherwydd asesiad risg tân ac ardystiad diogelwch nwy, aethpwyd i'r afael â'r rhain.</li> </ul>	

- Roedd cynghorydd Iechyd a Diogelwch yn cynnal ymweliadau adolygu archwilio ar draws portffolio'r ystâd i ddilyn hynt y camau gweithredu a nodwyd.
- Mae Risgiau Corfforaethol sy'n ymwneud ag Iechyd a Diogelwch yn cael eu rheoli'n weithredol a'u dilyn i fyny gyda'r cyfarwyddiaethau.

Trafododd y Pwyllgor:

- Cymerwyd camau adferol i ddileu anafiadau i staff yn ymwneud ag unedau symudol Bron Brawf Cymru.
- Y cydweithio cadarnhaol rhwng cyfarwyddiaethau i wella cydymffurfedd â hyfforddiant ymwybyddiaeth anabledd o fewn Gwasanaethau Sgrinio.

**Sicrhawyd** y Pwyllgor fod mesurau priodol ar waith i fonitro cydymffurfedd ac i fynd i'r afael â meysydd a nodwyd i'w gwella.

<b>QSIC 2024.11.25/4.5</b>	<b>Diweddariad Polisi Corfforaethol Chwe-misol</b>
----------------------------	--

Cyflwynodd LB y diweddariad polisi corfforaethol chwe-misol, gan amlygu bod 90% o'r polisiau a oedd o fewn cylch gorchwyl y Pwyllgor yn gyfredol. Amlygodd LB y diweddariadau i'r tri pholisi oedd wedi dyddio, dim byd na dau i'w cyflwyno i'w cymeradwyo yng nghyfarfod nesaf y Pwyllgor.

**Sicrhawyd** y Pwyllgor ynghylch y blaenoriaethu a'r cynnydd a wneir i adolygu polisiau, gweithdrefnau, a dogfennau rheoli ysgrifenedig eraill o fewn cylch gorchwyl y Pwyllgor.

<b>QSIC 2024.11.25/5</b>	<b>Eitemau i'w Nodi</b>
--------------------------	-------------------------

<b>QSIC 2024.11.25/5.1</b>	<b>Traciwr Camau Gweithredu Archwilio</b>
----------------------------	---

**Nododd** y Pwyllgor fod y traciwr gweithredu archwilio wedi cael ei ystyried yng nghyfarfod blaenorol y Pwyllgor ac y byddai diweddariad manwl yn cael ei ystyried nesaf yng nghyfarfod y Pwyllgor ym mis Chwefror.

<b>QSIC 2024.11.25/5.2</b>	<b>Cynllun Gwaith y Pwyllgor</b>
----------------------------	----------------------------------

**Nododd** y Pwyllgor gynllun gwaith y Pwyllgor.

<b>Rhan B</b>	<b>Busnes Gweithrediaeth y GIG</b>
---------------	------------------------------------

<b>QSIC 2024.11.25/6</b>	<b>Datganiad o Fuddiant</b>
--------------------------	-----------------------------

Nid oedd unrhyw ddatganiadau o fuddiant yn ychwanegol i'r rhai a ddatgelwyd eisoes ar y Gofrestr Datganiadau o Fuddiant.

<b>QSIC 2024.11.25/7</b>	<b>Adroddiad Cydymffurfedd Llywodraethu Chwarterol Gweithrediaeth y GIG (C1)</b>
--------------------------	--

Cyflwynodd RF a rhoddodd drosolwg o'r Adroddiad Cydymffurfedd Llywodraethu Chwarterol ar gyfer Chwarter 2, gan amlygu:

- Trosglwyddo tîm TEC Cymru i Weithrediaeth y GIG
- Roedd 5 digwyddiad yn ymwneud ag Iechyd a Diogelwch, a oedd yn bennaf yn ymwneud ag Iechyd a Diogelwch swyddfa. Caewyd 4 digwyddiad ac roedd 1

digwyddiad yn ymwneud â dŵr yn mynd i mewn/difrod gan ddŵr yn parhau ar agor.

- Roedd 1 archwiliad arolygu wedi'i gwblhau ers i'r adroddiad gael ei gyflwyno i'r Pwyllgor.
- Cynnydd gwell i weithredu defnydd llawn o Datix o fewn Gweithrediaeth y GIG.

Diolchodd y Pwyllgor i RF am y diweddariad a:

#### **Iechyd a Diogelwch**

- Cymryd **sicrwydd** bod gan Weithrediaeth y GIG fesurau priodol i fonitro cydymffurfedd ac i fynd i'r afael â meysydd a nodwyd i'w gwella.

#### **Cydymffurfedd Adrodd Digwyddiadau Adroddadwy Cenedlaethol**

- **Nodwyd** na fu unrhyw ddigwyddiadau adroddadwy yn ystod y cyfnod adrodd.

#### **Cydymffurfedd Cwynion (gan gynnwys PTR os yn berthnasol)**

- **Nodwyd** na dderbyniwyd unrhyw gwynion am y cyfnod hwn.

#### **Adrodd ar hawliadau (hawliadau gan staff a thrydydd parti)**

- **Nodwyd** na dderbyniwyd unrhyw hawliadau am y cyfnod hwn.

#### **Cydymffurfedd DATIX**

- **Nodwyd** yr adroddwyd am bum digwyddiad ar Datix am y cyfnod hwn a chymerodd sicrwydd bod y broses briodol yn cael ei dilyn o fewn Gweithrediaeth y GIG i reoli'r digwyddiadau hyn.

#### **Cydymffurfedd Diogelu**

- **Nodwyd** nad oedd unrhyw faterion diogelu wedi eu hadrodd yn ystod y cyfnod hwn.

QSIC 2024.07.24/8	Gweinyddiaeth i Gloi
QSIC 2024.07.24/8.1	Cau'r Cyfarfod Cyhoeddus
Diolchodd TC i'r holl gydweithwyr a oedd wedi cynnull ac wedi ymateb i alwadau ynghylch yr aflonyddwch tywydd dros y penwythnos.	
Gofynnodd y Cadeirydd i unrhyw adborth gael ei anfon at LB.	
Dyddiad y cyfarfod nesaf: 4 Chwefror 2024	
Daeth y Cadeirydd â'r cyfarfod i ben.	
<i>Daeth y sesiwn agored i ben am 12:15</i>	